

**ՈՂՈՐՄՈՒԹԻՒՆԸ  
ԱՌԱՔԻՆՈՒԹԻՒՆ Է Կ'ՕԳՆԵՍ  
ԱՂՔԱՏԻՆ**

Մի տրամիր, որ հարստութիւնդ կը պակսի, որովհետեւ նոյքան ալ մեղքերդ կը պակսին, երբ դրամը կը հեռացնես քեզմէ, նաեւ մեղքերդ կը հեռացնես եւ քու պիղծ գործերուդ աղտոտութիւններէն կը սրբուիս, ինչպէս կ'ըսէ Տէրը.– «Ինչ որ կրնաք տուէք իբրեւ ողորմութիւն եւ ահա ամէն ինչ մաքուր պիտի ըլլայ ձեր համար» (Ղուկ. 11:41): Ողորմածին մարմինը ողորմութեամբ կը սրբուի, հոգին եւ կը սրբուի, ինչքերդ կ'օրհնուին, յաջող աշխատանք կ'ունենայ, ունեցածներդ կը բազմապատուին, որովհետեւ երբ աղքատներուն եւ կարիքաւորներուն ողորմութիւն կ'ընես, գայն Աստուծոյ փոխ կու տաս եւ Աստուած ասոր փոխարէն կու տայ ո՛չ միայն այն, որ ըսաւ վերը, այլեւ՝ ողորմածին կու տայ արքայութիւնը, կը փրկէ գայն թշնամիին որոգայթներէն եւ կ'ազատէ դժոխքէն: Թէեւ մեծ սրբութիւն է կուտութիւնը, սակայն աւելի պատուական է ողորմածութիւնը: Թէեւ մեծ է պահեցողութիւնը, մեծ են բազմաթիւ առաքիւնութիւններ, սակայն ողորմութիւնը աւելի մեծ է եւ կարեւոր ու Աստուծոյ ընդունելի: Ողորմած մարդը մեծ է եւ պատուական: Ան, որ ողորմութիւն չ'ընէր, Ս. Գիրքը այդպիսին մարդ չ'անուաներ: Արդարեւ, նման մարդիկ նրազ են՝ առանց լոյսի, աչք են՝ առանց տեսութեան, աղբիւր են՝ առանց ջուրի եւ գօսացած ծառեր, որոնք միայն անուն ունին, բայց ոչ օգտակարութիւն:

**ԽՈՐԱՆ**



*Խորան բառը հոմանիշ է վրանին: Եկեղեցոյ Արեւելեան կողմը վրանանման կիսաբոլոր այն բացուածքն է, որուն մէջ բեմի վրայ հաստատուած է Պատարագի Ս. Սեղանը:*

*Ս. Սեղանի ետին նրբանցք մը կ'ըլլայ, ուրկէ կը կատարուի խնկարկուծիւնն ու վերաբերումը: Իսկ նրբանցքի կեդրոնը դէպի Արեւելք դուռի մը չափ բացուածք մը կայ, ուրկէ Ս. Սեղանին ծառայողները հնարաւորութիւնը կ'ունենան աջակողմեան եւ ձախակողմեան աւանդատուներուն հետ անմիջական կապ ունենալ:*

*Խորանին Հիւսիսային եւ Հարաւային պատերուն վրայ երկու խոռոչներ կ'ըլլան, որոնք փոքր վարագոյրով փակ կը մնան, միայն աջակողմեան՝ Հիւսիսային պատի խոռոչին վարագոյրը Ս. Պատարագի սկզբնաւորութենէն մինչեւ վերաբերումը բաց կ'ըլլայ եւ վերաբերումէն ետք կը գոցուի:*

**ՀԱՍՅԷ.**

ՃՐԱԳ ՇԱԲԱԹԱԹԵՐԹ - ԱԶԳԱՅԻՆ ԱՌԱՋՆՈՐԴԱՐԱՆ ԼԻԲԱՆԱՆԻ - Bourj-Hammoud, P.O.Box 80810 -Tel/Fax:01-258300- facebook-ի էջ jcrak ճրագ թերթ



**ԿԻՐԱԿԻ ՕՐԵՐՈՒ ԱՍՏՈՒԾԱՇՆՉԱԿԱՆ ԸՆԹԵՐՑՈՒՄՆԵՐ  
Եւ. 20.2-21.6: Գղ. 4.3-18:  
ՅԻՍՈՒՄ ԶՐԻՍՏՈՍԻ ԱՒԵՏԱՐԱՆԸ ԸՍՏ ՂՈՒԿԱՍԻ 4.14-24**

**ՅԻՍՈՒՄ ԶՐԻՍՏՈՍԻ ԱՒԵՏԱՐԱՆԸ ԸՍՏ ՂՈՒԿԱՍԻ 4.14-24**

Յիսուս Գալիլիա վերադարձաւ Սուրբ Հոգիին գորութեամբ, եւ ամբողջ գաւառին մէջ իր համբարը տարածուեցաւ: Անոնց ժողովարաններուն մէջ կ'ուսուցանէր՝ արժանանալով բոլորին հիացումին եւ գովասանքին:

Եկաւ Նազարէթ քաղաքը, ուր մեծցած էր եւ իր սովորութեան համաձայն Շաբաթ օրը ժողովարան գնաց: Երբ ոտքի ելաւ կարդալու օրուան ընթերցումը, իրեն տուին Եսայի Մարգարէին գիրքը: Բացաւ եւ գտաւ այն տեղը, ուր կ'ըսէր. «Տիրոջ Հոգին վրաս է, որովհետեւ օծեց զիս եւ դրկեց՝ աղքատներուն փրկութեան աւետիս տալու, սրտաբեկները մխիթարելու, աւետելու՝ թէ գերիները պիտի ազատագրուին, կոյրերուն աչքերը պիտի բացուին, հարստահարուածները պիտի ազատին եւ յայտարարելու, թէ ահա հասած է ժամանակը երբ Տէրը պիտի փրկէ իր ժողովուրդը»:

Այս գիրքը գոցեց, տուաւ պաշտօնեային եւ նստաւ: Ժողովարանին մէջ գտնուողներուն բոլորին աչքերը իրեն սեւեռած էին, երբ ըսաւ. «Այս մարգարէութիւնը, որ դուք լսեցիք՝ ահա այսօր իրականացաւ»: Ամէնքն ալ տպաւորուած էին իրմէ, եւ հիանալով անոր շնորհալի խօսքերուն վրայ, կ'ըսէին. «Այս մարդը Յովսէփի որդին չէ՞»:

Յիսուս ըսաւ. «Անտարակոյս ինձի պիտի ըսէք հետեւեալ առածը. “Բժիշկ, դուն քեզ բժշկէ” եւ պիտի ըսէք. Ինչ որ լսեցիք, թէ գործեր եւ Կափառնաւումի մէջ, այստեղ՝ քու քաղաքիդ մէջ ալ կատարէ»: Եւ աւելցուց. «Բայց դուք ալ գիտէք, որ մարգարէն իր ծննդավայրին մէջ յարգ չունի»:

**ՈՍԿԵՂԵՆ ՀԱՄԱՐ (ԱՌԱԿ 4.2)**

Մի՛ հեռանաք իմ օրէնքներէս, որովհետեւ ես եւս հնազանդ գաւակ էի հօրս եւ սիրելի՛ մօրս աչքին, որոնք կը սորվեցնէին ինձի եւ կ'ըսէին . «Մեր խօսքերը սրտիդ մէջ տեղաւորէ, պահէ՛ մեր պատուիրանները եւ ապրի՛ր:

## ՍՈՒՐԲԵՐ ԵՒ ՏՕՆԵՐ

### ՍՈՒՐԲ ԱՒԵՏԱՐԱՆԻՉՆԵՐՈՒ ՏՕՆ

Երեկ՝ Շաբաթ 16 Հոկտեմբերին տօնն էր Սրբոց Աւետարանչացն՝ Մատթէոս, Մարկոս, Դուկաս եւ Յովհաննէսի: Վատահարար մեր ընթերցողները ունին Աւետարան եւ միշտ կը կարդան Աւետարաններուն մէջէն Մեր Տէր Յիսուս Քրիստոսի խօսքերը, կեանքը եւ Անոր կատարած բժշկութիւնները եւ գործունէութիւնը:

Սիրելի ընթերցող, եթէ ունիս Աւետարան բաց պահէ՛ քու տանդ մէջ կարդա՛ եւ փոխանցէ՛ գաւակներուդ եւ թոռներուդ անոր մէջ արձանագրուածը, սորվեցուր անոնց, որ իրենք եւս պէտք է միշտ կարդան Ա. Գիրքը եւ հարստացնեն իրենց հոգեւոր կեանքը:

Եկէ՛ք միասնաբար ծանօթանանք մեր Զորս Աւետարանիչներուն.

**ՄԱՏԹԷՈՍ** պաշտօնով մաքսաւոր էր, այսինքն հարկահաւաք, երբ Յիսուս գինք իր 12 առաքելներէն մէկը ըլլալու կանչեց:

**ՄԱՐԿՈՍ** Աւետարանը չորս աւետարաններէն ամենէն կարճն է եւ գրուած է առաջին անգամ:

**ԴՈՒԿԱՍ** յոյն բժիշկ մըն էր, որ աշակերտած էր Պօղոս առաքելի, դարձած էր անոր հաւատարիմ գործակիցը եւ բազմաթիւ անգամներ անոր հետ նամբորդած էր:

**ՅՈՎՀԱՆՆԷՍ** Յիսուսի 12 Առաքելներէն կրտսերագոյնն էր: Իր աւետարանը յատկանշական կերպով տարբեր է միւս աւետարաններէն: Անիկա Յիսուսը կը ներկայացնէ, որպէս Աստուծոյ խօսքը՝ որ մարմին եղաւ եւ մեր մէջ բնակեցաւ:

### ՀԱՐՅՈՒՄ ՊԱՏԱՍԽԱՆ ԲԱԺԻՆ

#### Կիրակի օրը եկեղեցի երթա՞մ, թէ տունս իմ սենեակիս մէջ աղօթեմ: Այդ մէկը բաւարար է ինձի համար:

Վարդան վարդապետ Այգեկցի կ'ըսէ. «Քրիստոս աղօթողին այսպէս հրահանգեց. «Քու սենեակդ մտի՛ր, փակէ՛ քու դռներդ եւ գաղտուկ աղօթք ըրէ՛ քու Հօրդ» (Մատթէոս 6.6): Այստեղ մարմինը եւ սիրտը սենեակ կը կոչէ, եւ կը պատուիրէ՛ մարմնական ամէն խորհուրդ աղօթքի ժամանակ մտքէն հեռացնել:

Քրիստոնեայ ժողովուրդէն մէկը, երբ լսէ եկեղեցւոյ զանգին ձայնը՝ գիշեր թէ ցերեկ առնելով, մանաւանդ Կիրակի օրը, որ տէրունական օր է եւ եկեղեցւոյ՝ երկինքի արքայութեան դուռը չ'երթար, քահանան չի տեսներ, ու չի լսեր Աստուծոյ պատուիրաններուն հրամանը, պիտի չտեսնէ փառաց Տէրը բազմած քահանայ կենդանիներուն վրայ: Ուստի, ան որ Կիրակի օրը չի տեսներ եկեղեցականը եւ չի խոստովանիր իր յանցանքները, Աստուծոյ փրկութիւնը պիտի չունենայ:

*ԽՐԱՏՆԵՐ*

*Վարդան Վրդ. Այգեկցի*

## Հ Ո Գ Ե Ի Ո Ր Պ Ա Տ Գ Ա Ս

### ԿԱՏՈՒԱԾ ՄԵՐ ԿՄՆԿԱԿԱԾԷՆ ԿՐԵԼԻՆ Կ'ԸՆԷ

Աստուած միշտ մեր ակնկալածէն աւելին կ'ընէ: Աբրահամ երբեւիցէ խորհա՞ծ էր, որ ինք Աստուծոյ ընտրեալ ժողովուրդին գլուխը պիտի ըլլար: Խորհա՞ծ էր, որ իր սերունդին միջոցաւ աշխարհի բոլոր սերունդները պիտի օրհնուէին: Խորհա՞ծ էր, որ պիտի ըլլար հայրը բազմաթիւ ազգերու: Եգիպտոսի լուծին տակ տառապող Եբրայեցիներէն որո՞ւ մտքէն անցաւ, որ Աստուած զիրենք Եգիպտոսի ստրկութենէն պիտի ազատագրէր մեծամեծ նշաններով, իրենց դիմաց կարմիր ծովը պիտի ճեղքէր, զիրենք անապատներուն մէջ երկնապարզէ հացով պիտի կերակրէր, եւ Սինայի անապատին մէջ Տասնաբանեայ պատուիրանները պիտի տար:

### ՄԵՐ ՍՈՐՎԵԼ ԻՔ Հ Ո Գ Ե Ի Ո Ր Դ Ա Ս Ը

Աստուած քու ակնկալածէդ աւելի չըրա՞ւ: Դուն կ'ակնկալէի՞ր որ Աստուած մարդեղանար, մտորի մը մէջ ծնէր, մարդոց միջեւ բնակէր, մարդոց ցաւերը փարատէր, եւ ի վերջոյ, մարդոց պահանջքով ու մարդոց համար մեռնէր, հուսկ ապա յարութիւն առնելով՝ երկնքի ճամբան բացուած յայտարարէր:

## ԵԹԷ ԿԱՍ ԵՐԲ Կ՛ՈՒԶԵՍ...

### ԵՐԲ Կ՛ՈՒԶԵՍ ԳԻՏՆԱԿ ԹԷ Ի՛ՆՉ-ԲԱՆ ՎԱՂԱՅՈՒԿ Է ԿԵԱՆ-ԲԸ, ԿԱՐԿԱ՛Ս ՍԱՂՄՈՍ 39

Ես ինձի խորհեցայ.- Ինքզինքիս հսկեմ, որ խօսքով չմեղանչեմ: Բերնիս սանձ դնեմ ամբարիշտ մարդոց ներկայութեան: Ականջներս փորձեցի փակել, ամենեւին լուռ մնացի, բայց՝ անօգուտ: Յաւերս աւելի սաստկացան: Սիրտս մէջս բորբոքեցաւ, միտքս տենդով բռնուեցաւ, ստիպուեցայ խօսելու.- Յոյց տուր, ո՛վ Տէր, իմ վախճանս: Ի՞նչքան պիտի ըլլայ տետողութիւնը կեանքիս, գիտնամ՝ թէ ինչքա՛ն վաղանցուկ եմ ես: Գիտեմ, կեանքիս օրերը մատի վրայ կը համրուին, անոր տետողութիւնը ոչինչ մըն է քու աչքիդ. եւ արդարեւ լոկ շունչ մըն է մարդու գոյութիւնն ամբողջ: Արդարեւ մարդս շրջուն ստուեր մըն է լոկ: Չուր տեղ կը տազնապի, կը դիզէ, առանց գիտնալու՝ թէ ո՛վ պիտի ժառանգէ զայն: Հետեւաբար, ուրիշ որո՞ւ յոյս դնեմ, Տէ՛ր, դո՛ւն ես յոյսս:

Բոլոր իմ յանցանքներէս փրկէ՛ զիս: Անմիտ մարդոց ծաղրի առարկայ մի՛ դարձնէր զիս: Լուռ պիտի մնամ, պիտի չբանամ բերանս, որովհետեւ դո՛ւն ես, որ զիս այս վիճակին մատնեցիր: Հեռացուր ինձմէ՛ քու ստուած այս պատիժդ, որուն սաստկութեան ա՛յ չեմ դիմանար:

ՇԱՐՈՒՆԱԿԵԼ ՍԱՂՄՈՍԷՆ